



Учебный  
**ЧАСОСЛОВ**



# Содержание

---

Первый час .....	4
Третий час .....	11
Шестой час .....	20
Примечания .....	28
Тропари и кондаки воскресные .....	29
Тропари и кондаки двенадесятих праздников .....	33
Помянник .....	39

### Начало Первого часа

Приидите, поклонимся Царéви нашему Бо́гу.<sup>1</sup>

Приидите, поклонимся и припадём Христу́,  
Царéви нашему Бо́гу.

Приидите, поклонимся и припадём Самому́  
Христу́, Царéви и Бо́гу нашему.

### Псалом 5

Глаго́лы моя́ внуши́, Го́споди, разумей звание  
моё. Вонми́ гласу́ молéния моего́, Царю́ мой и Бо́же  
мой, яко к Тебе́ помолю́ся, Го́споди. Зау́тра услыши  
глас мой, зау́тра предстану́ Ти, и у́зриши мя. Яко Бог не  
хотя́й беззакония, Ты еси́: не приселится к Тебе́  
лука́внуяй, ниже́ пребу́дут беззаконницы пред очима́  
Твоима́: возненавидел еси́ вся де́лающыя беззаконие.  
Погуби́ши вся глаго́лющыя лжу: му́жа крове́й и  
льсти́ва гнуша́ется Госпо́дь. Аз же мно́жеством  
ми́лости Твоея́, вни́ду в дом Твой, поклоню́ся ко хра́му  
свято́му Твоему́, в стра́се Твоём. Го́споди, наста́ви мя  
пра́вдою Твоею́, враг мои́х ра́ди испра́ви пред Тобою́  
пу́ть мой. Яко несть во устéх их и́стины, се́рдце их  
су́етно, гроб отве́рст горта́нь их: язы́ки свои́ми льща́ху.  
Суди́ им, Бо́же, да отпаду́т от мы́слей свои́х, по

мно́жеству нечѣстия их изрѣни я́, яко преогорчи́ша Тя, Го́споди. И да возвеселя́тся вси упова́ющии на Тя, во век возра́дуются, и всели́шися в них, и похва́лятся о Тебе́ любя́щии и́мя Твое́. Яко Ты благослови́ши пра́ведника, Го́споди: яко ору́жием благоволе́ния венча́л еси́ нас.

### Псалом 89

Го́споди, прибе́жище был еси́ нам в род и род. Прѣжде да́же гора́м не бы́ти и создáтися земли́ и вселѣнней, и от ве́ка и до ве́ка Ты еси́. Не отврати́ челове́ка во смире́ние, и рекл еси́: обрати́тесь, сынове челове́честии. Яко ты́сяща лет пред очѣма Твоѣма, Го́споди, яко день вчера́шний, и́же мимоиде, и стра́жа ноцна́я. Уничижѣния их ле́та бу́дут. Утро яко трава́ мимоидет, утро процветѣт и прѣйдет: на ве́чер отпаде́т ожестѣет и и́зсхнет. Яко исче́зохом гне́вом Твоѣм, и я́ростию Твоѣю смутѣхомся. Положи́л еси́ беззаконія на́ша пред Тобо́ю: век наш в просвещѣние лица́ Твоего́. Яко вси днѣе на́ши оскуде́ша, и гне́вом Твоѣм исче́зохом, ле́та на́ша яко паучѣна поуча́хуся. Днѣе лет на́ших, в нихже се́дмьдесят лет, а́ще же в си́лах, о́смыдесят лет, и мно́жае их труд и болѣзнь: яко прииде

крóтость на ны, и нака́жемся. Кто вестъ держа́ву гнѣва Твоего́, и от стра́ха Твоего́, я́рость Твою́ исчести́? Десни́цу Твою́ тако́ скажи́ ми, и оковáнные сѣрдцем в мѹдрости. Обрати́ся, Го́споди, доко́ле? И умоле́н бѹди на рабы́ Твоя́. Испол́нимомся заўтра ми́лости Твоея́, Го́споди, и возра́довахомся, и возвесели́хомся, во вся дни на́ша возвесели́хомся, за дни в ня́же смири́л ны еси́, ле́та в ня́же ви́дохом зла́я. И при́зри на рабы́ Твоя́, и на дела́ Твоя́, и наста́ви сы́ны их. И бѹди свѣтлость Го́спода Бо́га на́шего на нас, и дела́ рук на́ших исправи́ на нас, и де́ло рук на́ших исправи́.

### Псалом 100

Ми́лость и суд воспою́ Тебе́, Го́споди. Пою́ и разумею́ в пути́ непоро́чне, когда́ приидеши ко мне? Прехо́ждах в незло́бии сѣрдца моего́ посреде́ до́му моего́. Не предлага́х пред очима́ моима́ вещь законопресту́пную: творя́щия престу́пление возненави́дох. Не прильпе́ мне сѣрдце стропти́во, уклоня́ющагося от Мене́ лука́ваго не позна́х. Оклевета́ющаго тай́ искренняго своего́, сего́ изгоня́х: го́рдый о́ком, и несы́тым сѣрдцем, с сим не ядях. Очи мой на ве́рныя земли́, поса́ждати я́ со мною́: ходя́й по

пути́ непоро́чну, сей ми служа́ше. Не живя́ше посреде́ до́му моего́творя́й горды́ню, глаго́ляй непра́ведная, не исправля́ше пред очима́ мойма. Во у́трия избива́х вся грёшныя земли́, е́же потребити́ от гра́да Господня́ вся дёлающыя беззако́ние.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. **Ами́нь.**

Аллилу́иа, аллилу́иа, аллилу́иа. Сла́ва Тебе́, Бо́же.

**Трижды.**

Го́споди, помилуй. **Трижды.**

### Тропарь №1 <sup>3</sup>

Сла́ва Отцу́ и Сы́ну и Свято́му Ду́ху.

### Тропарь №2

**И** ны́не и прісно и во ве́ки веко́в. **Ами́нь.**

**Богородичен:** Что Тя наречём, о Благодатная? Не́бо, я́ко возсия́ла еси́ Со́лнце Пра́вды. Рай, я́ко прозябла́ еси́ цвет нетле́ния. Де́ву, я́ко пребыла́ еси́

нетлѣнна. Чистую Матѣрь, яко имѣла еси на святыхъ Твоихъ объятіяхъ Сына, всехъ Бога. Того моли спастися душамъ нашимъ.

Стопы моя направи по словеси Твоему и да не обладает мною всякое беззаконіе. Избави мя отъ клеветы человеческия, и сохраню заповеди Твоя. Лице Твое просвети на раба Твоего и научи мя оправданиемъ Твоимъ.

Да исполнятся уста моя хваления Твоего, Господи, яко да воспую славу Твою, весь день великолѣпіе Твое.

Святый Боже, Святый Крепкий, Святый Безсмертный, помилуй нас. **Трижды.**

Слава Отцу и Сыну и Святому Духу, и ныне и присно и во веки вековъ. **Аминь.**

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **Трижды.**

Слава Отцу и Сыну и Святому Духу, и ныне и присно и во веки вековъ. **Аминь.**



О́тче наш, И́же еси́ на Небесе́х, да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставя́ем должником́ на́шим; и не введи́ нас во искуше́ние, но изба́ви нас от лука́ваго.

**Иерей:** Я́ко Твое́ есть царство...

**Чтец:** Аминь.

### Кондак

Го́споди, поми́луй. **40 раз.**

И́же на всякое вре́мя и на всякий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многоблаготро́бне, И́же пра́ведныя любя́й и грéшныя ми́луй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очи́сти, помышле́ния испра́ви, мы́сли очи́сти и изба́ви нас от всякия ско́рби, зол и боле́зней, огради́ нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние

вѣры и в разум неприступныя Твоея славы, яко благословен еси во веки веков. **Аминь.**

**Господи помилуй. Трижды.**

**Слава** Отцу и Сыну и Святому Духу, и ныне и присно и во веки веков. **Аминь.**

**Честнейшую** Херувим и славнейшую без сравнения Серафим, без исления Бога Слова рождшую, сущую Богородицу, Тя величаем.

**Именем** Господним благослови, отче. <sup>4</sup>

**Иерей:** **Боже,** ущедри ны...

**Чтец:** **Аминь.**

### Молитва

**Иерей:** **Христѣ,** Свете Истинный, просвещаяй и освящаяй всякаго человека, грядущаго в мир, да знаменается на нас свет лица Твоего, да в нем узрим Свет Неприступный: и исправи стопы наша к деланию заповедей Твоих, молитвами Пречистыя Твоея Матере, и всех Твоих святых. **Аминь.**

**Хор:** Кондак Богородицы или праздника.

Конец Первого часа.

## Предначинательные молитвы

**Иерей:** Благословен Бог наш...

**Чтец:** Аминь.<sup>2</sup>

Сла́ва Тебе́, Бо́же наш, сла́ва Тебе́.

Ца́рю Небе́сный, Уте́шителю, Ду́ше и́стины, И́же  
везде́ сый и вся исполня́й, Сокро́вище благих и жи́зни  
Пода́телю, прииди́ и всели́ся в ны, и очисти ны от  
вся́кия скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й  
Безсме́ртный, помилуй нас. **Трижды.**

Сла́ва Отцу́ и Сы́ну и Свято́му Ду́ху, и ны́не и  
при́сно и во ве́ки веко́в. Аминь.

Пресвята́я Тро́ице, помилуй нас; Го́споди, очисти  
грехи́ на́ша; Влады́ко, прости́ беззакóния на́ша;  
Святы́й, посети́ и исцели́ немо́щи на́ша, и́мене Твоего́  
ради́.

Го́споди, помилуй. **Трижды.**

Сла́ва Отцу́ и Сы́ну и Свято́му Ду́ху, и ны́не и  
при́сно и во ве́ки веко́в. Аминь.

О́тче наш, И́же еси́ на Небесе́х, да святи́тся и́мя  
Твое́, да приидет Ца́рствие Твое́, да бу́дет во́ля Твоя́, я́ко

на Небесі́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но избáви нас от лука́ваго.

**Иерей:** Я́ко Твое́ есть Ца́рство...

**Чтец:** Ами́нь.

Го́споди, поми́луй. **12 раз.**

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.

### Начало Третьего часа

Прииді́те, поклоні́мся Царе́ви на́шему Бо́гу.

Прииді́те, поклоні́мся и припаде́м Христу́, Царе́ви на́шему Бо́гу.

Прииді́те, поклоні́мся и припаде́м Само́му Христу́, Царе́ви и Бо́гу на́шему.

### Псалом 16

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, о́чи мой да ви́дита

правоты́. Искусѝл еси́ се́рдце моё, посетѝл еси́ но́щию, искусѝл мя еси́, и не обрѣтесе́ во мне неправда́. Я́ко да не возглаго́лют уста́ моя́ дел челове́ческих, за словеса́ устѣн Твоѝх аз сохрани́х пути́ же́стоки. Соверши́ стопы́ моя́ во стезя́х Твоѝх, да не подви́жутся стопы́ моя́. Аз воззва́х, я́ко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. Удиви́ ми́лости Твоя́, спаса́яй упова́ющыя на Тя от противя́щихся десни́це Твое́й. Сохрани́ мя, Го́споди, я́ко зе́ницу о́ка, в кро́ве крилу́ Твое́ю покры́еши мя. От лица́ нечестивы́х остра́стших мя, врази́ мой ду́шу мою́ одержа́ша. Тук свой затвори́ша, уста́ их глаго́лаша горды́ню. Изгоня́ющи мя ны́не обыдо́ша мя, о́чи свой возложи́ша уклони́ти на зе́млю. Объя́ша мя я́ко лев гото́в на лов и я́ко ски́мен обита́яй в та́йных. Воскресни́, Го́споди, предвари́ я́ и запни́ им, изба́ви ду́шу мою́ от нечестива́го, ору́жие Твое́ от враг руки́ Твоея́. Го́споди, от ма́лых от земли́, раздели́ я́ в животе́ их, и сокровѣ́нных Твоѝх исполнися́ чре́во их, насы́тишася сыно́в, и оста́виша оста́нки младе́нцем своим. Аз же пра́вдою явлю́ся лицу́ Твоему́, насы́щуся, внигда́ явити́ ми ся сла́ве Твое́й.

## Псалом 24

К Тебе́, Го́споди, воздвиго́х ду́шу мою́, Бо́же мой, на Тя упова́х, да не постыжу́ся во век, ниже́ да посмею́т ми ся врази́ мой, и́бо вси терпя́щии Тя не посты́дятся. Да посты́дятся беззако́ннующии вотще́. Пути́ Твоя́, Го́споди, скажи́ ми, и стезя́м Твои́м научи́ мя. Наста́ви мя на и́стину Твою́, и научи́ мя, я́ко Ты еси́ Бог Спас мой, и Тебе́ терпе́х весь день. Помяни́ щедрóты Твоя́, Го́споди, и ми́лости Твоя́, я́ко от ве́ка суть. Грех ю́ности моея́, и неведéния моего́ не помяни́, по ми́лости Твое́й помяни́ мя Ты, ра́ди блага́сти Твоея́, Го́споди. Благ и прав Госпо́дь, сего́ ра́ди законоположи́т согреша́ющим на пути́. Наста́вит кро́ткия на суд, научи́т кро́ткия путе́м Свои́м. Все пути́е Госпо́дни ми́лость и и́стина, взыска́ющим заветá Его́, и свидéния Его́. Ра́ди и́мене Твоего́, Го́споди, и очисти́ грех мой, мног бо есть. Кто есть человек боя́йся Го́спода? Законоположи́т ему́ на пути́, е́гоже изво́ли. Душа́ е́го во блага́х водвори́тся, и се́мя е́го насле́дит зéмлю. Держа́ва Госпо́дь боя́щихся Его́, и завет́ Его́ яви́т им. Очи́ мой вы́ну ко Го́споду, я́ко Той истóргнет от се́ти но́зе мой. При́зри на мя и поми́луй мя, я́ко единоро́д и нищ есмь аз. Ско́рби се́рдца моего́ умно́жишася, от нужд мо́их изведи́ мя.

Виждь смире́ние моё, и труд мой, и оста́ви вся грехи́ моя́. Виждь враги́ моя́, я́ко умно́жишася, и ненавиде́нием непра́ведным возненави́деша мя. Сохрани́ ду́шу мою́, и изба́ви мя, да не постыжу́ся, я́ко упова́х на Тя. Незло́биви и пра́ви прилепля́хуся мне, я́ко потерпе́х Тя, Го́споди. Изба́ви, Бо́же, Изра́иля от всех скорбе́й е́го́.

### Псалом 50

Поми́луй мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззако́ние моё. Наипа́че омы́й мя от беззако́ния моего́, и от греха́ моего́ очисти́ мя; я́ко беззако́ние моё аз зна́ю, и грех мой предо мно́ю есть ви́ну. Тебе́ Еди́ному согреши́х и лука́вое пред Тобо́ю сотвори́х, я́ко да оправди́шия во словесе́х Твои́х, и победи́ши внегда́ суди́ти Ти. Се бо, в беззако́ниих зачат есмь, и во гресе́х роди́ мя ма́ти моя́. Се бо, и́стину возлюбил еси́; безвѣстная и та́йная премудро́сти Твоея́ явил ми еси́. Окропи́ши мя иссо́пом, и очи́щуся; омы́еши мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твоё от грех мои́х и вся беззако́ния моя́ очисти́. Серге́це чи́сто сози́жди во мне,

Бо́же, и дух прав обнові во утробе моёй. Не отвѣржи мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечесті́вии к Тебе́ обратят́ся. Изба́ви мя от крове́й, Бо́же, Бо́же спасе́ния моего́; возра́дуется язы́к мой пра́вде Твое́й. Го́споди, устне́ мои́ отвѣрзеши, и уста́ моя́ возвестя́т хвалу́ Твою́. Яко́ а́ще бы восхоте́л еси́ же́ртвы, дал бых у́бо: всесожже́ния не благоволи́ши. Же́ртва Бо́гу дух сокруше́н; се́рдце сокруше́нно и смире́нно Бог не уничижи́т. Ублажи́, Го́споди, благоволе́нием Твои́м Сио́на, и да сози́ждутся стѣны́ Иерусали́мския. Тогда́ благоволи́ши же́ртву пра́вды, возноше́ние и всесожега́емая; тогда́ возложат́ на о́лтарь Твой тельцы́.

Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. **Ами́нь.**

**Аллилу́иа, аллилу́иа, аллилу́иа. Сла́ва Тебе́, Бо́же.**

**Трижды.**

Го́споди, поми́луй. **Трижды.**



Сла́ва Отцу́ и Сы́ну и Свято́му Ду́ху.

## Тропарь №2

И ны́не и прѣсно и во ве́ки веко́в. **Ами́нь.**

**Богородичен:** Богоро́дице, Ты еси́ лоза́ и́стинная, возрасти́вшая нам Плод живота́, Тебе́ мо́лимся: моли́ся, Влады́чице, со святы́ми апо́столы поми́ловати ду́ши на́ша.

Госпо́дь Бог благослове́н, благослове́н Госпо́дь день дне, поспеши́т нам Бог спасе́ний на́ших, Бог наш, Бог спаса́ти.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды.**

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **Ами́нь.**

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. **Трижды.**

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **Ами́нь.**

**О́тче** наш, **И́же** еси́ на Небесе́х, да святѣтся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должником́ на́шим; и не введи́ нас во искуше́ние, но изба́ви нас от лука́ваго.

**Иерей:** Я́ко Твое есть царство...

**Чтец:** **Ами́нь.**

### Кондак

Го́споди, поми́луй. **40 раз.**

**И́же** на всякое вре́мя и на всякий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многоблаготро́бне, **И́же** пра́ведныя любя́й и грéшныя ми́луяй, **И́же** вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышлeния испра́ви, мы́сли очисти́ и изба́ви нас от всякия ско́рби, зол и болéзней,

ограді нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благослове́н еси́ во ве́ки веко́в. **Ами́нь.**

**Го́споди поми́луй. Трижды.**

**Сла́ва Отцу́ и Сы́ну и Свято́му Ду́ху, и ны́не и при́сно и во ве́ки веко́в. Ами́нь.**

**Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.**

**И́менем Госпо́дним благослови́, о́тче. <sup>4</sup>**

**Иерей:** **Моли́твами святы́х о́тец на́ших, Го́споди, Иису́се Христé, Бо́же наш, поми́луй нас.**

**Чтец:** **Ами́нь.**

### **Молитва святого Мардария Севастийского**

**Влады́ко Бо́же О́тче Вседержи́телю, Го́споди Сы́не Единоро́дный Иису́се Христé, и Святы́й Ду́ше, Еди́но Божéство, Еди́на Си́ла, поми́луй мя, грéшнаго, и и́миже ве́си судьба́ми, спаси́ мя, недосто́йнаго раба́ Твоего́, я́ко благословéн еси́ во ве́ки веко́в. **Ами́нь.****

Конец Третьего часа.

### Начало Шестого часа

Приидите, поклонимся Царéви нашему́ Бо́гу.<sup>1</sup>

Приидите, поклонимся и припадём Христу́, Царéви нашему́ Бо́гу.

Приидите, поклонимся и припадём Самому́ Христу́, Царéви и Бо́гу нашему́.

### Псалом 53

Бо́же, во и́мя Твое́ спаси́ мя, и в си́ле Твое́й суди́ ми. Бо́же, услы́ши моли́тву мою́, внуши́ глаго́лы уст мои́х. Я́ко чу́ждии воста́ша на мя и кре́пцыи взыска́ша ду́шу мою́, и не предложи́ша Бо́га пред собо́ю. Се бо Бог помога́ет ми, и Госпо́дь Засту́пник души́ мое́й. Отврати́т злая́ враго́м моим, и́стиною Твое́ю потреби́ их. Во́лею пожру́ Тебе́, испове́мся и́мени Твоему́, Го́споди, я́ко бла́го, я́ко от вся́кия печа́ли изба́вил мя еси́, и на враги́ моя́ воззре́ око́ мое́.

### Псалом 54

Внуши́, Бо́же, моли́тву мою́ и не прэзри моле́ния моего́. Вонми́ ми и услы́ши мя: возскорбёх печáлию мое́ю и смято́хся. От гла́са вра́жия и от стужéния грéшника, я́ко уклони́ша на мя беззакóние и во гнэ́ве

враждоваху ми. Сердце мое смятѣся во мне и боязнь смѣрти нападѣ на мя. Страх и трѣпет прииде на мя и покры мя тьма. И рех: кто даст ми крилѣ, яко голубинѣ, и полещу, и почию? Се удалихся бѣгая и водворихся в пустыни. Чаях Бога, спасающаго мя от малодушия и от бѣри. Потопи, Господи, и раздели языки их: яко видех беззаконие и пререkanie во граде. Днем и ночью обыдет и по стенам его. Беззаконие и труд посреде его и неправда. И не оскуде от стогн его лихва и леть. Яко аще бы враг поносил ми, претерпел бых убо, и аще бы ненавидяй мя на мя велеречевал, укрыл бых ся от него. Ты же, человеке равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снѣдут во ад живи, яко лукавство в жилищах их, посреде их. Аз к Богу возвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им измененія, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася

сердца́ их, умя́кнуша словеса́ их па́че еле́а, и та суть стрéлы. Возвэ́рзи на Го́спода печа́ль твою́, и Той тя препита́ет, не даст в век молвы́ пра́веднику. Ты же, Бо́же, низведе́ши их во студенéц ислéния, му́жие кровéй и лъсти не преполов́ят дней сво́их. Аз же, Го́споди, упова́ю на Тя.

### Псалом 90

**Ж**ивы́й в по́мощи Вы́шняго, в кро́ве Бо́га Небе́снаго водворит́ся. Рече́т Го́сподеви: Засту́пник мой еси́ и Прибе́жище моё́, Бог мой, и упова́ю на Него́. Я́ко Той изба́вит тя от се́ти лóвчи и от словесе́ мяте́жна, плещма́ Сво́йма осенит́ тя, и под криле́ Его́ наде́ешися: ору́жием обы́дет тя и́стина Его́. Не убой́шия от стра́ха но́щнаго, от стрелы́ летя́ция во дни, от ве́щи во тме прехо́дяция, от сря́ща и бе́са полуденнаго. Падéт от страны́ твоея́ ты́сяща, и тма одесну́ю тебе́, к тебе́ же не прибли́жится, оба́че очима́ тво́йма смóтриши, и воздая́ние грéшников у́зриши. Я́ко Ты, Го́споди, упова́ние моё́, Вы́шняго положи́л еси́ прибе́жище твоё́. Не при́дет к тебе́ зло и ра́на не прибли́жится телеси́ твоему́, я́ко А́нгелом Сво́им запове́сть о тебе́, сохранити́ тя во всех путéх тво́их. На рука́х во́змут тя, да не когда́

преткне́ши о ка́мень но́гу твою́, на а́спида и васи́ли́ска насту́пиши, и попере́ши льва и зми́я. Я́ко на Мя упова́ и изба́влю и́, покрью́ и́, я́ко позна́ и́мя Моё́. Воззо́вет ко Мне и услы́шу его́, с ним есмь в ско́рби, изму́ его́ и просла́влю его́, долгото́ю дний испо́лню его́ и явлю́ ему́ спасе́ние Моё́.

Сла́ва Отцу́ и Сы́ну и Свято́му Ду́ху, и ны́не и прі́сно и во ве́ки веко́в. **Ами́нь.**

**Аллилу́иа, аллилу́иа, аллилу́иа. Сла́ва Тебе́, Бо́же.**

**Трижды.**

Го́споди, поми́луй. **Трижды.**

### Тропарь №1<sup>3</sup>

Сла́ва Отцу́ и Сы́ну и Свято́му Ду́ху.

### Тропарь №2

**И** ны́не и прі́сно и во ве́ки веко́в. **Ами́нь.**

**Богородичен:** Я́ко не и́мамы дерзнове́ния за премно́гия грехи́ на́ша, Ты и́же от Тебе́ Ро́ждшагося

моли́, Богоро́дице Де́во, мно́го бо мо́жет моле́ние Ма́тернее ко благосе́рдию Влады́ки. Не прѣзри грѣшных мо́льбы, Всечы́стая, я́ко ми́лостив есть и спасти́ моги́й, И́же и страда́ти о нас изво́ливый.

Ско́ро да предва́рят ны щедро́ты Твоя́, Го́споди, я́ко обнища́хом зело́; помози́ нам, Бо́же, Спа́се наш, сла́вы ра́ди И́мене Твоего́, Го́споди, изба́ви нас и очисти́ грехи́ на́ша, И́мене ра́ди Твоего́.

Святы́й Бо́же, Святы́й Кре́пкий, Святы́й Безсме́ртный, поми́луй нас. **Трижды.**

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **Ами́нь.**

Пресвята́я Тро́ице, поми́луй нас; Го́споди, очисти́ грехи́ на́ша; Влады́ко, прости́ беззаконя́ на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. **Трижды.**

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **Ами́нь.**

О́тче наш, И́же еси́ на Небесе́х, да святи́тся и́мя Твое́, да приидет Ца́рствие Твое́, да бу́дет во́ля Твоя́, я́ко на Небеси́ и на земли́. Хлеб наш насущный да́ждь нам



днесь; и оста́ви нам до́лги на́ша, я́коже и мы оставля́ем должникомъ на́шим; и не введи́ нас во искуше́ние, но изба́ви нас от лука́ваго.

**Иерей:** Я́ко Твое есть царство...

**Чтец:** Ами́нь.

### Кондак

Го́споди, поми́луй. **40 раз.**

И́же на всякое вре́мя и на всякий час, на Небеси́ и на земли́, покланя́емый и сла́вимый, Христé Бо́же, Долготерпели́ве, Многоми́лостиве, Многоблаготро́бне, И́же пра́ведныя любя́й и грéшныя ми́луяй, И́же вся зовы́й ко спасе́нию обеща́ния ра́ди бу́дущих благ. Сам, Го́споди, приими́ и на́ша в час сей моли́твы и испра́ви живо́т наш к за́поведем Твои́м, ду́ши на́ша освяти́, телеса́ очисти́, помышле́ния испра́ви, мы́сли очисти́ и изба́ви нас от всякия ско́рби, зол и болéзней, огради́ нас святы́ми Твои́ми А́нгелы, да ополче́нием их соблюда́еми и наставля́еми, дости́гнем в соедине́ние ве́ры и в ра́зум непристу́пныя Твоея́ сла́вы, я́ко благословéн еси́ во ве́ки веко́в. Ами́нь.

Го́споди поми́луй. **Трижды.**

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. **Ами́нь.**

**Ч**естне́йшую Херуви́м и сла́внейшую без сравне́ния Серафи́м, без ислѣния Бо́га Сло́ва ро́ждшую, су́щую Богоро́дицу, Тя велича́ем.

**И́**менем Господ́ним благослови́, о́тче. <sup>4</sup>

**Иерей:** **М**оли́твами святы́х о́тец на́ших, Го́споди, Иису́се Христе́, Бо́же наш, поми́луй нас.

**Чтец:** **Ами́нь.**

### Молитва святителя Василия Великого

**Б**о́же и Го́споди сил и всея́ тва́ри Соде́телю, И́же за милосе́рдие безприкла́дныя ми́лости Твоея́ Единоро́днаго Сы́на Твоего́, Го́спода на́шего Иису́са Христа́, низпосла́вый на спасе́ние ро́да на́шего, и честны́м Его́ Кресто́м рукописа́ние грех на́ших растерза́вый, и победи́вый тем нача́ла и вла́сти тьмы. Сам, Влады́ко Человеколю́бче, прими́ и нас, грѣшных, благодарственныя сия́ и моле́бныя моли́твы и изба́ви нас от вся́каго всегуби́тельнаго и мра́чнаго прегреше́ния и всех озло́бити нас и́щущих ви́димых и неви́димых враг. Пригвозди́ стра́ху Твоему́ плóти на́ша и не уклони́ серде́ц на́ших в словеса́ или́ помышле́ния

лукавствія, но любовію Твоею уязви́ души́ наша, да, к Тебѣ́ всегда́ взирающе́ и еже́ от Тебѣ́ свѣтомъ наставляе́ми, Тебѣ́, неприступнаго́ и присносу́щнаго зряще́ Свѣта, непреста́нное Тебѣ́ испове́дание и благодарѣ́ние возсыла́ем, Безнача́льному Отцу́ со Единоро́дным Твои́м Сы́ном и Всесвяты́м, и Благі́м, и Животворя́щим Твои́м Ду́хом ны́не, и прісно, и во ве́ки веко́в. **А**ми́нь.

Конец Шестого часа.

## Примечания

1. От Недели Антипасхи до отдания праздника Пасхи, если чтение обычно начинается с «Приидите, поклонимся...», то оно заменяется на тропарь Пасхи, который читается трижды: «Христос воскрес из мертвых, / смертию смерть поправ, // и сущим во гробех живот даровав».

2. От Недели Антипасхи до праздника Пятидесятницы не читается «Царю Небесный...». До отдания Пасхи после возгласа священника читается: «Аминь», тропарь Пасхи трижды, затем Трисвятое по «Отче наш» и т.д. В остальные дни до Пятидесятницы чтец: «Аминь», затем сразу Трисвятое по «Отче наш».

3. В воскресные дни: **тропарь №1** – воскресный тропарь текущего гласа, **тропарь №2** – тропарь святого или праздника. В дни попразднства двенадесятых праздников: **тропарь №1** – тропарь праздника, **тропарь №2** – тропарь святого. В двенадесятые праздники, а также в будни **тропарь №1** опускается. Необходимо обязательно сверяться с «Богослужбными указаниями»!

4. Во время архиерейского богослужения, а также в кафедральных соборах и на архиерейских подворьях, «благослові́, о́тче» заменяется на: «преосвященнейший влады́ко, благослові́» (если правящий архиерей в сане епископа) или «высокопреосвященнейший влады́ко, благослові́» (если правящий архиерей в сане архиепископа или митрополита). За патриаршим богослужением, а также в ставропигиальных монастырях и патриарших соборах заменяется на: «святѣйший влады́ко, благослові́».

## Тропари и кондаки воскресные восьми гласов

### Глас 1

**Тропарь:** Ка́мени запеча́тану от иуде́й/ и вои́ном стрегу́щим Пречи́стое Тело́ Твое́,/ воскрeсл еси́ триднeвный, Спа́се,/ да́руяй ми́рови жи́знь./ Сего́ ра́ди си́лы небeсныя вопия́ху Ти, Жизнода́вче:/ сла́ва воскрeсeнию Твоему́, Христе́,/ сла́ва Ца́рствию Твоему́, // сла́ва смотре́нию Твоему́, еди́не Человеколю́бче.

**Кондак:** Воскрeсл еси́ я́ко Бо́г из гроба́ во сла́ве,/ и ми́р совоскрeсил еси́;/ и естество́ челове́ческое я́ко Бо́га воспева́ет Тя, и сме́рть исче́зе;/ Ада́м же лику́ет, Влады́ко;/ Е́ва ны́не от у́з избавля́ема раду́ется, зову́щи:// Ты́ еси́, И́же все́м пода́я, Христе́, воскрeсeние.

### Глас 2

**Тропарь:** Егда́ снизше́л еси́ к сме́рти, Животе́ Безсме́ртный,/ тогда́ а́д умертвил еси́ блиста́нием Божества́:/ егда́ же и умерши́я от преиспо́дних воскрeсил еси́,/ вся́ си́лы небeсныя взыва́ху:// Жизнода́вче, Христе́ Бо́же на́ш, сла́ва Тебе́.

**Кондак:** Воскрeсл еси́ от гроба́, Всеси́льне Спа́се,/ и а́д ви́дев чу́до, ужасе́ся,/ и ме́ртвии воста́ша;/ тва́рь же

видящи срадуется Тебѣ,/ и Адам свеселится,// и мир,  
Спасе мой, воспеваѣт Тя присно.

### Глас 3

**Тропарь:** Да веселятся небесная,/ да радуются  
земная,/ яко сотвори державу/ мышцею Своею Господь,/  
попра смѣртию смѣрть,/ первенец мѣртвых бысть;/ из  
чрева адова избави нас,// и подаде миру велию  
милость.

**Кондак:** Воскрѣсл еси днесь из гроба, Щедре,/ и  
нас возвел еси от врат смѣртных;/ днесь Адам ликуѣт, и  
радуется Ева,/ вкупе же и пророцы с патриархи  
воспеваѣют непрестанно// Божественную державу власти  
Твоея.

### Глас 4

**Тропарь:** Светлую воскресения проповедь/ от  
Ангела уведеша Господни ученицы/ и прадеднее осуж-  
деніе отвергша,/ апостолом хвалящаяся глаголаху:/  
испровержесе смѣрть,/ воскресѣ Христос Бог,// даруяй  
миру велию милость.

**Кондак:** Спас и Избавитель мой/ из гроба, яко  
Бог,/ воскресѣ от уз земнородных,/ и врата адова  
сокруши,// и яко Владыка воскресѣ тридневен.

## Глас 5

**Тропарь:** Собезначальное Слово Отцу и Духови,/ от Девы рождающееся на спасение наше,/ воспойм, вернии, и поклонимся,/ яко благоволи плотию взыти на крест,/ и смерть претерпети,/ и воскресити умершия// славным воскресением Своим.

**Кондак:** Ко аду, Спасе мой, сошел еси,/ и врата сокрушивый яко Всесилен,/ умерших яко Создатель совоскресил еси,/ и смерти жало сокрушил еси,/ и Адам от клятвы избавлен бысть,/ Человеколюбче, темже вси зовем:// спаси нас, Господи.

## Глас 6

**Тропарь:** Ангельския силы на гробе Твоем,/ и стрегущи омертвеша,/ и стояше Марія во гробе,/ ищущи Пречистаго Тела Твоего./ Пленил еси ад, не искусився от него;/ сретил еси Деву, даруяй живот.// Воскресый из мертвых. Господи, слава Тебе.

**Кондак:** Живоначальною дланию/ умершия от мрачных удолий,/ Жизнодавец, воскресив всех Христос Бог,/ воскресение подаде человеческому роду:/ есть бо всех Спаситель,// воскресение и живот, и Бог всех.

## Глас 7

**Тропарь:** Разрушил еси́ Кресто́м Твои́м сме́рть,/ отве́рзл еси́ разбо́йнику ра́й,/ мирно́сицам пла́ч преложи́л еси́,/ и апо́столом пропове́дати повеле́л еси́,/ я́ко воскресе́л еси́, Христе́ Бо́же,/ да́руяй ми́рови// ве́лию ми́лость.

**Кондак:** Не ктому́ держа́ва сме́ртная/ возмо́жет держа́ти челове́ки:/ Христо́с бо сни́де, сокруша́я и разоря́я си́лы ея́;/ связу́емь быва́ет а́д,/ проро́цы согла́сно ра́дуются,/ предста́, глаго́люще, Спа́с су́щим в ве́ре:// изыди́те, ве́рнии, в воскресе́ние.

## Глас 8

**Тропарь:** С высоты́ снизше́л еси́, Благоутро́бне,/ погребéние прия́л еси́ тридне́вное,/ да на́с свободи́ши страсте́й,// Животе́ и воскресе́ние на́ше. Го́споди, сла́ва Тебе́.

**Кондак:** Воскресе́ из гроба́, умерши́я воздви́гл еси́,/ и Ада́ма воскреси́л еси́,/ и Е́ва лику́ет во Твоём воскресе́нии,/ и мирсти́и концы́ торже́ствуют/ е́же из ме́ртвых воста́нием Твои́м, Многоми́лостиве.



## Тропари и кондаки двенадесятых праздников

### Рождество Пресвятой Богородицы

**Тропарь:** Рождество Твое, Богородице Дѣво, / радость возвести всей вселенней: / из Тебе бо возсия Солнце правды Христос Бог наш, / и, разрушив клятву, даде благословение, // и, упразднив смерть, дарова нам живото вечный..

**Кондак:** Иоаким и Анна поношения безчадства, / и Адам и Ева от тли смертныя свободистася, Пречистая, / во святем рождестве Твоем. / То празднуют и людие Твой, / вины прегрешений избавльшеся, / вегда звати Ти: // неплоды раждает Богородицу и питательницу Жизни нашея.

### Введение во Храм Пресвятой Богородицы

**Тропарь:** Днесь благоволения Божия предображение, / и человеков спасения проповедание, / в храме Божии ясно Дѣва является, / и Христа всем предвозвещает. / Той и мы велегласно возопийм: // радуйся смотраения Зиждителява исполнение.

**Кондак:** Пречистый храм Спасов, / многоценный чертог и Дѣва, / священное сокровище славы Божия, /

днесь ввѣдѣтся в дом Господень, благодать совводящи,/ Яже в Дусе Божественном,/ Юже воспевают Ангели Божии:// Сия есть селение Небесное.

### Рождество Христово

**Тропарь:** Рождество Твое, Христе Боже наш,/ возсия миру свет разума, / в нем бо звездам служащий,/ звездою учахуся,/ Тебе кланяться Солнцу Правды,/ и Тебе вѣдети с высоты востока: // Господи, слава Тебе.

**Кондак:** Дева днесь Пресущественнаго раждает,/ и земля вертеп Непреступному приносит,/ Ангели с пастырьми славословят,/ волсви же со звездою путешествуют:// нас бо ради родися Отроча Младо, Превечный Бог.

### Святое Богоявление (Крещение Господне)

**Тропарь:** Во Иордане крещаящуся Тебе, Господи,/ Тройческое явися поклонение:/ Родителей бо глас свидѣтельствоваше Тебе,/ возлюбленнаго Тя Сына именуюя,/ и Дух в виде голубине,/ извествоваше словесе утверждение./ Явлейся Христе Боже, // и мир просвещей, слава Тебе.

**Кондак:** Явился еси днесь вселенней,/ и свет Твой,

Господи, знаменася на нас,/ в разуме поющих Тя:/  
пришел еси, и явился еси, // Свет Неприступный.

### Сретение Господне

**Тропарь:** Радуйся, Благодатная Богородице  
Дэво,/ из Тебэ бо возсия Солнце Правды – Христос, Бог  
наш,/ просвещаяй сущия во тьме./ Веселися и ты, старче  
праведный,/ приемый во объятия Свободителя душ  
наших, // дарующаго нам воскресение.

**Кондак:** Утробу Девичу освятивый Рождеством  
Твоим,/ и рuce Симеоне благословивый,/ якоже  
подобаше, предварив,/ и ныне спасл еси нас, Христэ  
Боже,/ но умирй во бранех жительство // и укрепй люди,  
ихже возлюбил еси, Еди́не Человеколю́бче.

### Благовещение Пресвятой Богородицы

**Тропарь:** Днесь спасения нашего главизна,/ и еже от  
века таинства явление:/ Сын Божий, Сын Дэвы бывает,/ и  
Гавриил благодать благовествует./ Темже и мы с ним  
Богородице возопийм:/ радуйся, Благодатная, // Господь с  
Тобою.

**Кондак:** Взбранной Воеводе победительная,/ яко  
избавльшеся от злых,/ благодарственная восписуем Ти  
раби Твои, Богородице,/ но, яко имущая державу непо-

бедимую,/ от всяких нас бед свободи, да зовём Ти://  
радуйся, Невесто Невестная.

### Вход Господень в Иерусалим

**Тропарь:** Общее воскресение/ прежде Твоя  
страсти уверяя/ из мёртвых воздвигл еси Лазаря, Христэ  
Боже./ Тёмже и мы, яко отроцы победы знамения но-  
сяще,/ Тебе Победителю смёрти вопиём:/ осанна в  
вышних,// благословён Грядый во имя Господне.

**Кондак:** Спогрёбшися Тебе крещением, Христэ  
Боже наш,/ безсмёртныя жизни сподобихомся воскресё-  
нием Твоим,/ и воспевающе зовём:/ осанна в вышних,//  
благословён Грядый во имя Господне.

### Вознесение Господне

**Тропарь:** Вознёлся еси во славе, Христэ Боже  
наш,/ радость сотворивый учеником,/ обетованием  
Святаго Духа,/ извещённым им бывшим благословё-  
нием,// яко Ты еси Сын Божий, Избавитель мира.

**Кондак:** Е́же о нас исполнив смотре́ние,/ и я́же на  
земли́ соединив Небесным,/ вознёлся еси́ во сла́ве,  
Христэ́ Бо́же наш,/ ника́коже отлуча́ясь,/ но пребыва́я  
неотсту́пный,/ и вопия́ любя́щим Тя:// Аз есмь с ва́ми и  
никто́же на вы.

### Святая Пятидесятница

**Тропарь:** Благословен еси, Христе Боже наш,/ Иже премудры ловцы явлей,/ низпослав им Духа Святаго, // и теми уловлей вселенную, Человеколюбче, слава Тебе.

**Кондак:** Егда снизшел языки слия,/ разделяше языки Вышний,/ егда же огненные языки раздаяше,/ в соединение вся призва, // и согласно славим Всесвятаго Духа.

### Преображение Господне

**Тропарь:** Преобразился еси на горе, Христе Боже,/ показавый учеником Твоим славу Твою,/ якоже можаху,/ да возсияет и нам, грешным,/ свет Твой присносущный/ молитвами Богородицы, // Светодавче, слава Тебе.

**Кондак:** На горе преобразился еси,/ и якоже вмещашу ученицы Твой,/ славу Твою, Христе Боже, видеша,/ да егда Ты узрят распинаема,/ страдание убо уразумеют вольное,/ мире же проповедят, // яко Ты еси воистину Отчее сияние.

### Успение Пресвятой Богородицы

**Тропарь:** В рождестве дѣвство сохранила еси, / во успении мѣра не оставила еси, Богородице, / прѣстави-лася еси к животу, Мати сущи Живота, // и молитвами Твоими избавляеши от смерти души наша.

**Кондак:** В молитвах Неусыпающую Богородицу / и в предстательствах непреложное упование / гроб и умерщвление не удержаста: / якоже бо Живота Матерь / животу прѣстави // во утробу Вселивыйся приснодѣвственную.

### Воздвижение Честнаго и Животворящего Креста Господня

**Тропарь:** Спаси, Господи, люди Твоя / и благослови достояние Твое, / победы на сопротивныя даруя // и Твое сохраняя Крестом Твоим жительство.

**Кондак:** Вознесиися на Крест волею, / тезоименитому Твоему новому жительству, / щедроты Твоя даруй, Христе Боже, / возвесели нас силою Твоею, / победы дая нам на сопостаты, / пособие имущим Твое оружие мѣра, // непобедимую победу.



«Ангельское пение»  
Библиотека регента, певчего, чтеца.

[AngelskoePenie.ru](http://AngelskoePenie.ru)  
[vk.com/AngelskoePenie](https://vk.com/AngelskoePenie)